

《中國地方藝文薈萃》編委會 編

中國地方藝文薈萃

學苑出版社

華夏卷·第十二輯 拾

華東卷·第十二輯
拾

中國地方藝文薈萃

《中國地方藝文薈萃》編委會 編

德州师范学院内部使用

南邦黎獻集十六卷（四）

貴州师范学院内部使用

南邦黎獻集十六卷(四)

(清)鄂爾泰輯

據清雍正刻本影印

南邦黎獻集卷之十五

西林學者鄂爾泰毅庵氏品定

男容校字

咏懷詩

甲辰元旦

鄂爾泰

四十重加五辰年正月初癡人那斷酒拙宦舊餘書海日
心相照江雲手自鋤不須問香雪頭白對蘆蘆

閏四月十五日喜雨

三吳長夏風披猖經月無雨愁驕陽身為方岳寄民命潛
引湯火煎中腸籲天祈神典禮舊晨朝寮窠羣趨蹌卜月
之吉匍匐始微誠敢必通穹蒼是日曉色變淒緊侵尋午

景成推藏山雲油油覆城郭江雨颼颼吹軒堂初驚高簷
懸數丈漸喜中庭積一方我時公退未暇食恍援北斗吞
天漿隔郵已覺日開朗巡階自訝神飛揚病身却坐默歎
息誰有感召來倉皇憶從去秋銜

命至正當久旱罹凶荒補救有心起溝壑拮据無術盈倉箱
冬春荏苒饘粥給竊幸比屋無流亡眼看薄俗欲移易其
奈沈痼迷膏盲粉黛流連徧初地歌管雜沓交歡場六博
潛蹤學鬼蜮四郊攘臂多豺狼從容我但用文告狡悍爾
自求析楊雷霆既震勢小定事與霖雨寧相妨深閨咒咀
市鬼詬怨氣共說騰天閻人情向背本難一帝心降鑒安

可量今朝畢禱得大霈一洗萬口諸昏狂暮燈旣明聲轉
急勢欲穿屋侵匡床呼兒出酒傾小坐酒氣與雨爭淋浪
徹酣不寐向丙夜蛟龍暫與收鋒鏑沈憂頓豁生遠思馳
夢已到彤墀傍擬追賀雨才力薄况今官守非詞章

聖主精誠與天合垂意南國崇農桑旬宣報稱首何事所期
年歲恒豐穰化民成俗可次第頌聲謗口俱荒唐待呼大
舶具饒吹出觀四野青茫茫

閏四月二十三日喜雨

鄂爾泰

旱魃流三歲屏翳避一時人方憂盜劇天自愛氓蚩龍女
乘風下雲師捲幔隨惶忪聽隔夕霑渥慰前期海立誰將

白手香磨一
卷三一五
二
比盆傾舊不疑池塘家蓄水蓑笠子翻泥插蒔忻無礙瘡
痕會可醫薇垣方岳寄有喜佐蕪詞

對雪漫成

鄂爾泰

紙窓影暗晝生寒擁鼻閒吟似冷官城北城南雲幕幕樹
頭樹底雪漫漫羣鳥窠老謀新壘獨鶴天低失舊灘憶得
洛陽人士好柴門高卧有袁安

寄五弟

鄂爾泰

天書稠疊紫泥封伯氏承恩仲氏同定有絲綸分閣下曾
無才具領江東迂踈早背通人言清白徒存先子風知爾
身名應不忝好將辛苦答榮通

甲辰除夕

鄂爾泰

霏微臘雪盡寒梢老境增年百慮交夢裏家鄉還是客南
中日月漸成巢齶齶畫鼓催殘漏黯黯銀鐙對別鈔回首
雲霄學道者幾多塵念可能拋

學道志雲霄自然
塵念拋宋无句

乙巳元日

鄂爾泰

和陽迴馭載恩暉凍雪乘朝駐閣扉富貴聊從如願祝聰
明早誤老元機堆盤青菜食都慣散客黃金事舊非南北
一江春萬頃可堪煖熱敝朝衣

微之元日詩富貴祝來何
所遂聰明散去轉無機

乙巳元日迷懷三首

鄂爾泰

流年看五十元日自復今茲白髮成何事青春繫所思江天

換梅柳冰雪泥堦墀寒煖誰防得隨人問酒宜
閉門朝謝客出酒坐延春用拙元從乙守雌早過辰妻兒
矜老大奴子慢清貧旛勝誰家節喧闐慰比鄰
獨坐攤書夜微醺罷酒時衆人劇歡笑吾道本艱危點易
研朱墨裁詩比素絲當春行自損或恐負恩私

立春後一日二首

鄂爾泰

東風昨夜來庭草已含碧小鳥破晨鳴脉脉如相識人情
私向背寒暄錯今昔物候詎遂殊去住煩心力
一春復一春相代實相逼東皇者誰子鼓盪不暫息夫生
一何恩欲語愧雕飾庶類苟有託一生安足惜

人日示昌敏諸姪

鄂爾泰

離家已判二年春歸雁同傷七十人

入春纔七日離家已二年人歸落雁後思

發在花前薛道衡詩

忍見柔條催弄色

柳條弄色不忍見高常侍句

輸他良駟策

安仁

謂東平王事

鏤金貼勝羣兒喜煎餅熏天小吏親不是諸

郎堪慰老江南淒斷此靈辰

李嶠詩人日是靈辰

人日寄夏太史曉堂

鄂爾泰

江南春事早人日氣含升對景懷司業

張司業有江南春詩題詩寄

少陵羹傳挑菜手餅惠入林僧舊賦清暉閣知君病不能

四十六初度口占

鄂爾泰

紅燭青尊夜欲休丹心白髮坐難甌崑崙宴罷情知悔要

把花枝插滿頭

初度日謝客咏懷

鄂爾泰

百年行過半兀坐對紅扉白髮無拘束黃金有是非吏人
隨鳥散奴子汲泉歸嗤笑從渠會余心終不違

二月逢初度春蔬薦午餐自憐同病鶴人道是窮官江水
流空碧梅花骨尚寒故園兄弟滿此日定誰歡

徙倚戀春暉吟詩感式微中原垂老別南土幾人肥稷契
身將比龔黃術亦稀功勞眠食得未便負荷衣

酬學使中丞法陶庵前輩

原唱遺失
惜未入集

鄂爾泰

齋閣閉寒雨文書散香煙何期郇公雲飛墮來江天始披

色生動久繹神纏綿迴君萬里風置我千仞巔我夙忝禁
近耳熱推才賢門第切闔闔心攀足不前竭來江湖間欲
罷詩書緣金穀但在眼襟裾日隨肩履坦矢自直懷恩火
常燃每憂道孤危遑計身騰騫喜君銜命至冰鏡高堂懸
內作天腑肝外爲士陶埏雪燬獨挺拔寒松寧棄捐應聲
非附和執弭慙周旋方當新休明皇路行平平敢辭操弱
楫從君濟長川

內府胡君屢問疾兼和小詩裂紙奉報

鄂爾泰

社老情知病韋郎迹不踈新詩寄高潔舊雨戀庭除氣味

春相似肝腸雪不如故園有兄弟對爾一愁余

奉鼎徐茶坪同年

鄂爾泰

老至春無賴愁多鬢欲絲故人惜衰白吾道愧磷緇窮醜
榮通得時名物議隨寸心葵樣赤

五字茶坪贈句

有祇勗深期

題茶坪書屋圖

鄂爾泰

我披茶坪書屋圖茶坪茹茶茶如薺平生我亦茹茶人披
圖未竟先流涕茹茶辛苦有誰知天荒地老心含悲君甫
十四痛失怙子亦多君無幾時菜根自嚼冰自飲悠悠逝
者無還期門人已廢蓼莪什好友忍讀茹茶詩君有文章
妙天下却解朝衣傍桑柘右軍性本愛林泉向平願只終

婚嫁結來老屋兩三間自署茶坪
甘息駕笑我勞勞逐簿
書何若嚴陵視侯霸憶昔同看桂
苑花分岐南北長咨嗟
蘭陵古道一把手弟兄會面真天
涯感君話我爲官苦嚙
糜餐蒿強撐拄那知高卧北山人
亦復茹茶同老圃兩載
吳閫逐斷蓬同袍同澤聯飛鴻今
將脂車適粵嶠惆悵雲
水稀郵筒回頭笑語茹茶者舌本
回甘倍瀟灑一卷新詩
幾帙封總於舌處供抒寫我行君
餞酒莫沽但須分我盤
中茶嗚呼但須分我盤中茶

咏懷三首

鄂爾泰

下策取富貴上策學神仙二者成
兩失功勞食與眠謀身

貴有術得計良獨偏子遂無此心欲語增羞顏

丈夫不苟得自處審所難多願常惻惻小心日拳拳曠達
不敢尚激烈非所安終懼昧道要拘鄙愧高賢材力豈不
廣天地豈不寬嗟嗟西林子徒乃損肺肝

天道有終極人事互更遷造物詎不仁斯理固自然勿爲
失者笑勿爲得者歡涼風來北窓得失誰復言